

06.10.2022



Broj: UP1-06-21-8395/22  
Travnik, 15.09.2022. godine

Ministarstvo poljoprivrede, vodoprivrede i šumarstva SBK/KSB ( u daljem tekstu: Ministarstvo), rješavajući po zahtjevu preduzeća i Koncesionara „hydro-E“ d.o.o. Busovača, za izdavanje prethodne vodne saglasnosti za projektovanje, izgradnju, korištenje i prenos male hidroelektrane „OBARNICA“ na rijeci Lašvi, općina Busovača, na osnovu člana 111. i 113. Zakona o vodama („Službene novine F BiH“, broj 70/06), člana 34. stav 2. tačka a), člana 35. stav 1. tačka d) i i), člana 36. Zakona o vodama („Službene novine SBK/KSB“, broj: 11/09) i člana 200. stav 1. Zakona o upravnom postupku («Službene novine Federacije BiH», broj 2/98 i 48/99) donosi

## RJEŠENJE o prethodnoj vodnoj saglasnosti

1. Koncesionaru „hydro-E“ d.o.o. Busovača, daje se prethodna vodna saglasnost, zaprojektovanje, izgradnju, korištenje i prenos **male hidroelektrane „OBARNICA“** na rijeci Lašvi instalisane snage: **980 kW**, moguće godišnje proizvodnje **5,890 GWh**, koja će se izgraditi: brana (akumulacija) i strojara/centrala na koti 368,50 m.n.m., a koja je locirana na koritu rijeke Lašve označenom kao k.p.broj: 3690 K.O. Putiš i dijelu zemljišta koje je označeno kao k.p. broj: 2751/1, 2751/2, 2752, 2753/1 i 2753/2 K.O. Putiš, sve na području općine Busovača.
2. Prethodna vodna saglasnost prethodi i neophodna je u postupku pribavljanja urbanističke i vodne saglasnosti i okolinske dozvole koje izdaju za to nadležne institucije (Općina, Kantonalna ministarstva, Federalna ministarstva).
3. Prethodna vodna saglasnost se donosi na osnovu utvrđenog činjeničnog stanja, potrebe povećanja proizvodnje električne energije stvaranja i poboljšanja ukupnog ekonomskog i energetskog stanja na području općine Busovača.
4. **Prethodna vodna saglasnost se daje na osnovu pregleda dostavljene dokumentacije, utvrđenog činjeničnog stanja i pod slijedećim uslovima:**
  - 4.1. Preduzeće i koncesionar „hydro-E“ d.o.o. Busovača (u daljem tekstu: podnosilac zahtjeva) je dužan u postupku pribavljanja vodne saglasnosti, odnosno građevinske dozvole pribaviti i priložiti **Glavni građevinski projekat, koji će biti urađen od strane ovlaštenog projektanta**, kojem je ovlaštenje izdalo Federalno ministarstvo poljoprivrede, vodoprivrede i šumarstva, što je u skladu sa Pravilnikom o uslovima i kriterijima koje mora ispunjavati pravno lice za izradu dokumentacije na osnovu koje se izdaju vodni akti ( „ Službene novine F BiH“, broj: 17/08 i 38/12);
  - 4.2. Projektna dokumentacija iz podtačke 4.1. ovog rješenja, između ostalog mora sadržavati:
    - rezultate dobivene po osnovu hidrološko-hidrogeoloških istraživanja vodotoka;
    - procjenjeni ekološko prihvatljiv protok na osnovu hidroloških parametara na kontrolnom profilu vodotoka, (E.P.P. odrediti u skladu sa odredbama

- Pravilnika o načinu određivanja ekološki prihvatljivog protoka, (Službene novine Federacije BiH 4/13);
- opis tehničkog rješenja, odnosno tehnološkog postupka aktivnosti;
  - proračun potrebnih količina vode za namjenu koja je predmet prethodne vodne saglasnosti;
  - ocjenu mogućnosti nastajanja i drugih uticaja na režim voda ili uticaja režima voda na stanovništvo, objekte, radove i okolinu i mjere za ublažavanje tih uticaja;
  - mogućnost nastanka nepoželjnih uticaja na druge objekte i postrojenja, korito vodotoka, površinske i podzemne vode, stečena prava korisnika, naselja i sl. i mjere za ublažavanje tih uticaja,
  - pregled postojećih korisnika vode sa istog vodotoka;
  - ostala pitanja značajna za vode u konkretnom slučaju.
- 4.3. Prethodna vodna saglasnost se daje sa rokom važenja od **tri godine** od dana izdavanja ovog rješenja, za koje vrijeme je podnosilac zahtjeva dužan pribaviti urbanističku saglasnost i okolinsku dozvolu kod za to nadležnih institucija;
- 4.4. Podnosilac zahtjeva, izgradnjom predmetne MHE, ničim ne smije ugroziti postojeće objekte infrastrukture ukoliko se nalaze na predmetnoj lokaciji;
- 4.5. Svi planirani radovi na izgradnji brane, akumulacije i centrale/strojare i drugih pratećih objekata ni na koji način ne mogu i ne smiju imati uticaja na vodosnabdjevanje lokalnog stanovništva, odnosno ne smiju biti u koliziji sa postojećim i planiranim instalacijama vodovoda, rezervoarima, vodozahvatima, zonama sanitarne zaštite i drugim objektima infrastrukture, niti smiju ugroziti materijalna dobra mještana koji su nastanjeni ili imaju materijalna dobra na lokalitetu na kojem će se graditi predmetna MHE;
- 4.6. Podnosilac zahtjeva je dužan pripremiti radove, a zatim i radove na izgradnji predmetne MHE uskladiti sa zahtjevima navedenim u pisanim saglasnostima: MZ Kaonik, Udruženja a zaštitu životne okoline „Ekobus“ Busovača, Udruženja sportskih ribolovaca Busovača, te HT Eroneta, koje su prethodile davanju prethodne saglasnosti Općinskog vijeća općine Busovača, odnosno dodjeli koncesije;
- 4.7. Podnosilac zahtjeva je dužan da do izdavanja vodne dozvole, koja prethodi izdavanju upotrebne dozvole za predmetnu MHE, ispoštuje uslove koje je u svojoj ponudi dostavio u skladu sa kriterijima objavljenim u Javnom Konkursu za dodjelu koncesije za MHE sa branom „Obarnica“, a na osnovu kojih mu je dodjeljena predmetna koncesija;
- 4.8. Podnosilac zahtjeva ne smije ugroziti prirodne ljepote vodotoka Lašve i planiranu centralu u potpunosti mora uklopiti u prirodni ambijent koji je okružuje;
- 4.9. Podnosilac zahtjeva je prije postupka izdavanja građevinske dozvole dužan riješiti sve imovinsko-pravne odnose na području na kojem je planirana izgradnja predmetne MHE;
- 4.10. Podnosilac zahtjeva je dužan u Glavnom projektu tačno **utvrditi vrijednosti E.P.P.-a za dva godišnja perioda: maj-oktobar i novembar-april, čime će se ispoštovati odredbe Pravilnika o načinu određivanja ekološki prihvatljivog protoka, (Službene novine Federacije BiH 4/13),** te u skladu sa istim planirati izgradnju vodozahvata, odnosno predmetne MHE;
- 4.11. Podnosilac zahtjeva je dužan da u Glavnom projektu za izgradnju MHE „ Obarnica“, isprojektuje na brani centrale otvor za E.P.P. ( riblju stazu), što je u skladu sa potrebom održavanja EPP-a određenog na način kako je to propisano u prethodnoj podtački, te predvidjeti ugradnju automatskog mjerača ekološko prihvatljivog protoka ( EPP-a), čime će se od početka rada predmetne MHE, obezbjediti kontinuirano mjerenje i kontrolisanje EPP-a;
- 4.12. Podnosilac zhtjeva je sve planirane radove obavezan izvršiti u skladu sa propisima o zaštiti okoliša, bez negativnih uticaja na lokalno stanovništvo uzvodno i nizvodno od male hidroelektrane;

3. Podnosilac zahtjeva ima obavezu Glavnim projektom predvidjeti da se prilikom izvođenja planiranih radova i u toku eksploatacije vodotoka Lašve, čisti i održava brana i korito rijeke, čime će se znatno umanjiti mogućnost štetnog djelovanja voda;
1. Podnosilac zahtjeva je dužan da po pribavljanju urbanističke saglasnosti i okolinske dozvole, a prije izdavanja građevinske dozvole pribavi **vodnu saglasnost** od ovog ministarstva, uz poštivanje uslova navedenih u rješenju o prethodnoj vodnoj saglasnosti;
2. Prava stečena po osnovu ove prethodne vodne saglasnosti, ne mogu se prenositi na druga pravna ili fizička lica i ista se ne može produžiti;
3. Podnosiocu zahtjeva je vraćen projekat, koji je služio kao podloga za izdavanje ovog rješenja;

### ***O b r a z l o ž e n j e***

Preduzeće "hydro-E" d.o.o. Busovača se obratilo ovom ministarstvu pismenim zahtjevom broj: UP1-06-21-8395/22 od 31.08.2022.god. za izdavanje prethodne vodne saglasnosti za projektovanje, izgradnju, korištenje i prenos male hidroelektrane: "OBARNICA" na rijeci Lašvi, instalisane snage: **980 kW**, moguće godišnje proizvodnje **5,890 GWh**, koja će se izgraditi: brana ( akumulacija) i strojara/centrala na koti 368,50 m.n.m., a koja je locirana na koritu rijeke Lašve označenom kao k.p.broj: 3690 K.O. Putiš i dijelu zemljišta koje je označeno kao k.p. broj: 2751/1, 2751/2, 2752, 2753/1 i 2753/2 K.O. Putiš, sve na području općine Busovača, koja mu je potrebna u postupku pribavljanja urbanističke i vodne saglasnosti i okolinske dozvole.

#### **U provedenom postupku dostavljena je i pregledana sljedeća dokumentacija:**

- Kopija zemljišnoknjižnog izvadka, broj: 051-0-NAR-21-002714, od 07.05.2021. godine;
- Kopija rješenja o registraciji, broj: 051-0-Reg-21-000449 od 23.09.2021. godine;
- Kopija mišljenja općine Busovača, broj: 05-23-169-2016 od 28.01.2016. godine;
- Kopija obavještenja o razvrstavanju pravnog lica prema klasifikaciji djelatnosti, broj: 07-32.5-15566/21;
- Kopija uvjerenja o registraciji poreznog obveznika;
- Kopija saglasnosti Udruga sportskih ribolovaca Busovača;
- Kopija saglasnosti – mišljenja od Kantonalnog zavoda za urbanizam, prostorno planiranje i zaštitu – historijskog nasljeđa;
- Kopija uvjetne saglasnosti od HT ERONETA;
- Kopija Odluke općine Busovača broj: 2-6/15 od 22.06.2015. godine;
- Kopija zaključka o davanju prethodne saglasnosti za pokretanje procedure dodjele koncesije;
- Kopija saglasnosti J.K.P. „Komunalac“, Busovača;
- Kopija saglasnosti za zaštitu životne sredine „EKOBUS“, Busovača;
- Kopija zemljišnoknjižnog izvadka, broj: 051-0-NAR-21-002712, od 07.05.2021. godine;
- Kopija izvadka iz posjedovnog lista broj: 143/12 od 03.06.2015. godine;
- Kopija posjedovnog lista broj 1119 od 26.02.2015. godine;
- Kopija katastarskog plana;
- Kopija rješenja prethodne vodne saglasnosti;
- Kopija Odluke Vlade SBK;

- Kopija Ugovora o koncesiji za projektovanje, izgradnju, korištenje i prenos MHE „OBARNICA“;
- Kopija rješenja o registraciji , na firmu „hydro-E“ d.o.o. Busovača;
- dokaz o uplati 40,00 KM takse za prethodnu vodnu saglasnost po tarifnom broju 44. Zakona o administrativnim taksama (Službene novine Srednjobosanskog kantona broj: 11/03 i 1/04 i 5/12);

Uvidom u dostavljenu dokumentaciju, utvrđeno je da:

Idejno rješenje je izradilo preduzeće " Higracn" d.o.o. Sarajevo, dostavljen je Zaključak općinskog vijeća Busovača, kojim se daje prethodna saglasnost preduzeću "JESS" d.o.o. Busovača, za dodjelu koncesije za izgradnju MHE "Obarnica", dostavljena je saglasnost za izgradnju MHE Obarnica od strane MZ Kaonik, općina Busovača, dostavljena je i druga dokumentacija po zahtjevu ministarstva.

Obzirom na prednje navedeno, te na osnovu provedenog postupka, pregledom dokumentacije i uz uslove navedene u tački 4. dispozitiva ovog rješenja, može se izdati tražena prethodna vodna saglasnost. Općina Busovača je dala svoje Mišljenje o usklađenosti planiranih aktivnosti sa dokumentima prostornog uređenja, na osnovu kojeg je vidljivo da je usvojena Odluka o usvajanju Nacrta dopune Prostornog plana PP Busovača do 2026. godine, čime je utvrđena i lokacije male hidroelektrane Obarnica na rijeci Lašvi, općina Busovača.

Ukoliko podnosilac zahtjeva do izdavanja vodne saglasnosti ne ispoštuje i ne ispuni uslove navedene u ovom rješenju, prestat će da važi ovo rješenje o prethodnoj vodnoj saglasnosti. Razmatrajući zahtjev investitora i dokaze koji su podneseni i izvedeni, ovo ministarstvo je ustanovilo da po odredbama člana 35.stav 1. tačka d) i i) člana 36. Zakona o vodama ("Službene novine SBK/KSB", broj: 11/09), nema smetnji da se zahtjevu udovolji pod utvrđenim uslovima, pa je zbog toga riješeno kao u dispozitivu.

#### **PRAVNA POUKA:**

Protiv ovog rješenja je dopuštena žalba Federalnom ministarstvu poljoprivrede, vodoprivrede šumarstva, u roku od 15 dana od dana prijema ovog rješenja. Žalba se podnosi ministarstvu poljoprivrede, vodoprivrede i šumarstva SBK/KSB Travnik na protokol ministarstva ili putem pošte, uz uplatu administrativne takse od 10 KM po tarifnom broju 3. Zakona o administrativnim taksama (« Sl. novine SBK/KSB « broj: 11/03, 1/04 , 5/12 i 11/15).



**MINISTAR**  
**Salkan Merdzanić mr.sc.**

Dostavljeno:

- „hydro-e“ d.o.o. Busovača
- Kantonalnoj vodnoj inspekciji
- "Agencija za vodno područje rijeke Save" Sarajevo
- oglasna ploča
- a/a